

Carnavalskrant

2005

32^{ste} Oetgaaf

"Gekke krant" veur 't BEMELER-LAND
Bemele



't Wolfshoes 't Rooth
Carnavalsvereniging
"De BERGGEITTE"
Bemelen



Beste Carnavallisten.

Bij deze wil ik, Prins Pierino de 1^e iedereen van harte bedanken voor een geweldig carnavalsjaar.

Ik heb het een eer gevonden om als Italiaan in zo'n klein dorpje als Bemelen prins te mogen zijn.

Het was geweldig vanaf de dag van het uitroepen tot de dag van vandaag.

Ik wil dan ook iedereen bedanken, met in het bijzonder mijn burens, vrienden en familie.

Ik hoop dat mijn opvolger ook zo'n geweldig en gaaf jaar krijgt als ik heb gehad.

Bemele Alaaf !!!!

Zoepnaze Alaaf !!!!

Berggeitte Alaaf !!!!

Preens Pirino I



Kar - na - val....

**Zaoterdag 22
januari**

**Ouw Wieverbal
Met
Prinsoetrope**



**'T Bal begint um 20.11
oor en de nuije Preens
(de 35^e) zal um
22.11 oor weure
oetgeroope.**

Kiek 'ns in de kleijerkas of op zolder, of vraog aon
Oma é pekske en dan make veer d'r weer éch un
ouw-wieverbal van. D'r zint auch weer preis veur 't
bes verkleijde oud-wief of oud-menneke!!

Muziek: Hans Coenjarts



**Door de vogelwerkgroep gespot:
de zier zeldzame GIRAF-VAL**

(kin ziech ouch vermomme es Xen-Os of Ze(WI)Bra)
Oetwerpsele zeen 't letst aangetroffe op de Bemelerweeg

De geruchtemeule

Heij zeen veer weer !!!

De Geruchtemeule hêet dit jaor weer volop gedrêjd in Bemele, en zoe-wie eeder jaor pikke veer d'r auch veur 2005 weer ein van de sjmakelikste geruchte oet.

Deze kier hêet 't te make mèt de FC Bemele. Die zeen giftig.

Aafgeloupe jaor hùbbe ze eine oefenwedstrijd gesjpeèld tege MVV, en dè hùbbe ze mèt 15 – 0 verlore... Mèr dao klopde vanalles neet aan.

Um te beginne sjtoond in de gezèt dat Bemele in eine thoeswedstrijd zjwoer veur sjùt waor gegange tege MVV. Dat is nog mèr de vraog, veende ze bee de FC. 't Voetbalterrein van Bemele ligk namelik neet op Bemelens, mèr op Mestreechs grondgebied. Technies gezeen haw MVV dus thoes-veurdeil. Dat sjèèlt, hùbbe ze in Bemele berekend, toch al gauw 'n gool of zes. In dat geval zow Bemele de wedstrijd mèt 9 – 0 verlore hùbbe, en dat zuut d'r toch al weer gans anders oet....

Dao keump bee dat MVV in dè wedstrijd minstens twee ongerechtigde sjpeelers hêet opgesjteld. In 't Mestreechse elftal sjpeèlde eine rechts-boete dè nog gein 18 jaor waor, en van zien mam nog hielemaol neet boete mòg sjele. En op 't middeveld hawwe ze eine sjtoon dè de hiele wedstrijd neve zien sjeun leep. Dat is volges de reglemente van de KNVB verbooje. Es die twee neet mèt hawwe gedoon, hêet FC Bemele oetgerekend, haw MVV zeker veer goole minder gemaak. Dan haw Bemele mèr mèt 5 – 0 verlore, en dat zuut d'r toch al weer gans anders oet....

Dao keump bee dat de sjiedsrechter ziech neet leet umkoupe. Die van Bemele hawwe 'm gratis eine nuije bleende-geleidehoond beloaf es heer hun zow laote winne, mèr later bleek heer hielemaol neet bleend te zeen. Waal douf. Dus dè haw dat gans verkièrd begrepe. Dat hêet Bemele minstens veer goole gekòs. In dat geval hawwe ze dus mèr mèt 1 – 0 verlore, en dat zuut d'r toch al weer gans anders oet....

En ès de sjpitse van Bemele toevallig dè'n daag hunne punte-sjlieper neet thoes hawwe laote ligke, dan hawwe ze die paar kanse die ze kreges mesjiens neet zoe bot verprùts.

Aangeboden: hardhouten Voordeur

Prijs: € 199,00

Beschrijving: Te koop aangeboden mooie voordeur, waarvan bovenste deel apart. kan worden geopend.
blauw van buiten en wit van binnen
met rvs knop aan de voorkant.afmetingen 200 x 93 cm.

Foto's: Klik hier om de foto's te bekijken

Datum: 21-11-2004, 16:36

Gezien: 257 keer bekeken.

Adverteerder

Naam: weijts (E-mail de adverteerder) (Alle advertenties)

Telefoonnummer: -

Woonplaats: bemelen

...Is nauwelijks op geklopt...



Aangeboden: Peugeot 205 onderdelen

Prijs: Bieden

Beschrijving: Voor Peugeot 205 bied ik de volgende onderdelen aan

- Links en rechts portier 2e hands
- Diversen verlichting
- Motorkap
- Achterklep
- Links en rechts aandrijf-as

Foto's: Klik hier om de foto's te bekijken

Datum: 30-11-2004, 12:09

Gezien: 240 keer bekeken.

Adverteerder

Naam: Paul Wolfs (E-mail de adverteerder) (Alle advertenties)

Telefoonnummer: 06 28271699

Woonplaats: Bemelen



Eigelik hàw Bemele dè wedstrijd dus gewoen mè 2 – 0 moote winne.

Mè d'r keump eine revanche, hèt de Geruchtemeule oet gooje bron vernome. En deze kier laote die van Bemele ziech neet kloete.

De wedstrijd zal deze kier neet op sjportcomplex De Sjlutel weure gesjpèeld, mèr op 'n nog geheime lokatie, woe de FC Bemele volop van 't thoese-veurdeil deenk te kinne profiteere. Veurluipig wil bee de FC Bemele geine zègke woe dat terrein ligk, mèr veer van de Geruchtemeule hùbbe toch al 'n ontwèrrep van 't nuijje sjspeelveld te pakke kinne kriege (kiek mèr op de foto).

Wie geer zeet is 't terrein gans ingeriech um 't die van Bemele zoe gemeekelik, en die van MVV zoe meujlik meugelik te make. 't Veld is zier geaccidenteerd (dat beteikent: hobbelig), en dao zeen die van Bemele vööl beter op veurbereid es die van Mestreech. Dao keump bee dat net veur 't middeveld 'n bösjke is aangeplant, woe de sjpitse van de FC ziech kinne versjuile, um op 'n oonverwach momint vanoet de dèkking mèt sjnelle aanvalle de verdedigers van MVV de búsj in te sjture. Volges d'n trainer van de FC Bemele zal MVV ziech mèt dat verrassingseffect geine raod weite. En tensjlote is d'r nog 't geheim wape: de sjäöp. “Es veer in de verdrücking kome, sjtuure veer vanaaf de zijlijn gauw 'n kudde sjäöp 't veld op”, zèèt d'n trainer. “In de verwarring kinne die van MVV dan neet mie zeen wè de échte sjäöp

zeen en wè de sjaopsköp van Bemele, en van die verwarring maake veer dan gebruik.” De FC Bemele rekt d'rop dat ze mèt deze taktiek de revanche-wedstrijd tege MVV zeker zulle winne. Of dat woer is?



Veer zeen de Geruchtemeule, dus 't is eve aafwachte....

Sjponsors

Voor aankoop, vakkundige reparatie en onderhoud van al uw land- en tuinbouwmachines

LAND- EN TUINBOUW-MACHINEHANDEL

BÈR HUYNEN

Aan de Fremme 58
6269 BE Margraten
Tel. 043-458 43 80
Fax 043-458 43 81
E-mail: ber@huynen.etrade.nl



Leveringsprogramma o.a.

**VALMET-ZETOR-EICHER-HARDY-PÖTTINGER-JOSKIN
RABE-MULLOS-HOLORAS-STRAUTMAN-SABO-ALKO
HUSQVARNA**

ASK

AUTOSERVICE KEER

- ♦ verkoop nieuwe en gebruikte auto's
- ♦ reparatie en onderhoud alle merken
- ♦ APK-keuringen benzine en diesel

Kerkstraat 38a 6267 ED Cadier en Keer
tel 043-4072727 fax. 043-4072733 www.autoservicekeer.nl

Patrick en Paul

Zoondig 23 januari

Vanaaf 17.00 oor

Foto's ophange bee
Café de Baskuul en Café 't Plateau



**D'n druijm van eedere vogelleefhebber,
'n foto make van de oud-preense:
33 man met unne vogel....**


AAFSJEIDS-KADOOTJE

Helaas, veur prins Pierino d'n Iersjte (en de lètste, want zoe-eine kriege veer noets mieë) zit 't d'r bienao op. Binnekort moot heer ziene scepter aafgeve aan ziene opvolger. Mèr heer hèèt ein geweldig jaor gehad, zèèt heer zellef. Geer, inwoeners van Bemele, hùb häöm geweldig gesjteund. Dao is heer uuch dankbaar veur. En um die dankbaarheid oet te drükke, hèèt heer veur uuch ein aafsjeids-kadootje in petto.

Wie geer wèt- en anders hùb geer 't häöm in zien prinseproklamasie waal huure zègke - is Pierino gek op Italië, gek op Italiaanse oto's, en veural gek op de Alfa. Volges häöm is dat de enige ECHTE oto op de ganse wèrld. En umdat heer wèt dat neet eederein in Bemele ziech eine Alfa kin permittere, hèèt heer besjloote uuch aan 't einde van zien regeringsperiode allemaol eine kadoo te doen. Dat kòs ein paar sente (daorum hèèt heer zèllef ziene Alfa veurig jaor in moote ruile tege eine zuinige Japanner) mèr dat hèèt heer d'rveur euver. Umdat eine Alfa oet de feabrik gèt te groet is um 'm in dees carnavalsgezèt te vouwwe, is 't waal ein bouwpackkèt gewoore. Dat maog gein probleem zeen. Ein kwestie van knippe en plakke. En es geer dat neet vèèrdig krijg, wil Pierino 'm auch nog waal veur uuch inein kome zètte (allein nao telefonische afspraak). 't Geit um 't nuijste type Alfa, hiel miljeu-vreuntelik, mèt eine geruisloze motor. Es uuch dat gèt te sjtil is, kint geer zelf hiel gemeekelik broem-broem doen... Geer moot d'r waal rekening mèt hauwwe dat bee dit type Alfa de kreukelzône hiel geveulig is. En neet te hèèl sjeure, want dan is 'r kapot !!

Names prins Pierino: vääol plezeer demèt, en vaar veurziechtig !!!





Veurzichtig oetknippe, neet sjeure



NUIJ RIJ-EXAME !!



Centraal Bureau
Rijvaardigheids-
bewijzen

Wie geer in alle gezette hùb kinne leeze, wil 't CBR (Centraal Bureau Rijvaardigheid) mèt ingang van dit jaor de rij-exames op 'n andere meneer goon aafneume. Speesjaal de theorie-examens zeen op dit momint volges 't CBR té theoreties, té wienig aafgestump op de dagelikse praktijk op de weeg. Veurtaan wille ze de kandidate dan auch opdrachte veur goon lègke die te make hùbbe mèt situaties die eine otomobilis eederen daag onderweeg tege kin come.

Wie 't nuij theorie-exame d'r oet geit zeen, weurt veurluipig nog geheim gehouwe. Mèr de redaksie van de carnavalsgezèt is d'r (es ierste en innigste gezèt in Nederland) in gesjlaag de hand te lègke op ein aantal proofdrùkke van de nuij exam-opgave, die veer heij exclusief veur uuch aafdrùkke.

Sjtaot geer op 't punt um op te goon veur 't rij-exame?

Besjtudeer dees opgaves dan good, dan komt geer sjtraks neet veur verrassinge te sjtoon !!!!!

U kijkt naar een passerende motoragent
en niet voor u, mag dat?



JA

NEE

Het is 's morgens 7 uur, mag u iedereen wakker maken?



JA

NEE

U blijft hier met uw auto achter rijden, mag dat?



JA

NEE

Een dronken zoepnaas komt met zijn trombone van rechts, moet u stoppen?



JA

NEE

Moet u de fietsers voorrang verlenen?



JA

NEE

U hebt een mijter op, en een fles jägermeister is het verstandig om uw vrouw te laten rijden?



JA

NEE

EXCLUSIEF: DE BEER-BINGO !!!!

VRAAG: Wat is 't vervèèlendste van vastelaovend?

ANTWOORD: Wachte....

Wachte op de nuijje prins, wachte op 'n rùndsje, wachte tot dè kerel van uuch eindelijk mèt nao hoes wil goon, wachte op d'n optoch...

Aan de ierste drei kinne veer niks doen. Wachte op de nuijje prins is ein kwestie van gedùld. Wachte op 'n rùndsje doort neet zoe lang es geer zèllef auch ins eint gèèf. En wachte op uuge vent, woerùm zowt geer dat doen? Dreenk uuch toch nog gezèllig eine mèt...

Mèr wachte op d'n optoch, dao kinne veer uuch vanaaf noe mèt hèllepe. Speesjaal veur bee d'n optoch in Bemele hùbbe veer 'n sjpèlke oontwikkeld dat uuch d'n tied gèt sjneller veurbee liet goon: de BEER-BINGO.

't Is ein gans eenvoudig sjpèlke. Knip de bingo-kaart oet dit gezètsje, probeer langs de route van de optoch zoevööl meugelik van de aafgebeelde beerdöpkes te veende, en plèk die op de gooj plaats op de kaart.


Höb geer 'n rijke vol? Dan höb geer pries !!! Meld uuch daomèt nao d'n optoch in de zaal, bee de nuijje prins, en es bee de controle van de döpkes alles klopt, krijg geer 'n muijlke van Ziene Hoeglustigheid !!! (Es geer eine kerel zeet, dan maog geer auch keeze veur 'n hand, um geroddel te veurkoome...)

Höb geer 'n ganse kaart vol? Dan höb geer dreidöbbel pries !!! Meld uuch daomèt nao d'n optoch in de zaal, bee de nuijje prins, en geer maog häom drei muijlkes geve (leenks-rèchs-leenks) !!!! (Es geer eine kerel zeet, dan kint geer die vol kaart vàs waal mèt uuch vròw ruile tege 'n glaas beer....)

DAOT ALLEMAOL MÈT !!!!!







Nuij op 't program bee de Hermenie
Duet veur Krombone en Krompet

Zoondig 30 januari

Keender

Zitting

13.11 oor:

Oploate van de
Berggeit

en ballonenwedstrijd.


Aansjletend optredens

vaan diverse artiesten van eigen bodem.

16.00 oor:

**Oetroope vaan de nuije
Jeugdpreens en Prinses**

's aoves foto's ophange
in Café de Baskuul





ZEET ZE VLEEGE !!!!

Dat de inwoeners van Bemele neet bleij zeen mèt 't verlègke van de vleegroutes bee vleegveld Beek, is inmiddels bekind. Dao hùbbe de echte gezètte al genoeg euver gesjreeve.

Minder bekind is, dat de direksie van vleegveld Beek planne hèt oontwikkeld um d'r veur te zörrege dat d'r veur de inwoeners van Bemele auch gèt tegeneuver sjteit woedoor ze van de extra drùkte in de loch bove hunne kop mèt kinne profiteere.

Beveurbeeld: extra inkomste oet 't toerisme.

Ein van die planne kinne veer uuch vandaag presentere. Umdat de kèrrek van Bemele binnekort toch weer ins eine groete opknapbeurt moot kriege, hèt 't vleegveld ein plan ontwikkeld veur 'n totale verbouwing van de kèrrektore tot 'n soort verkierstore, dè auch deens kin doen es oetkiektore. Toeriste kinne oonder 't motto ZEET ZE VLEEGE !! de tore beklumme, en hùbbe van dao-oet ein prachtig oetziech op de vleehtuige vol toeriste, oonderweeg nao Turkije of Spanje, die sjtraks net bove Bemele eine sjerpen drij na 't ooste (of na 't weste) moote make.

Op de boveste eetaasj van d'n tore weurt ein café-restaurant gevestig woe de bezeukers terèch kinne veur 'n hèpke en 'n drènkske.

Vermoedelik weurt dat café sjtraks gerund door Pol en Marij (van d'r tegeneuver) die inmiddels al begòs zeen mèt oefene in 't servere van origineel-Bemelse maaltijde. Marij hèt ziech aangemeld veur eine cursus 'koke op hoeg niveau'.

't Kèrkbesjtuur hèt ziech nog neet oetgelaote euver de planne, mèr volges ein van de kèrkmeisters zulle ze vermoedelik waal akkoord goon. "Veer hùbbe liever dat ze ze boete laote vleege es binne in de kèrk", zag heer. "En 't pas good in de doelsjtèllinge van de kèrk, want bovenin zoe'ne hoege tore zeen de luij toch al weer 'n paar sjtèpkas korter bee d'n hiemel."



Nipplegate in Bemele
(originele foto's op aanvraag bee de redaksie)

WIS GEER ??? WIS GEER ???

WIS GEER ???

- Dat 't sjportseizoen in Bemele nog altied neet offisjeel geopend is...?
- Dat veer os nùrges mèt wille bemeuje, mèr dat ver 't twiede van de FC d'r van verdeenke dat ze 't wachte meug zeen, en dat ze noe z èllef 't initiatief hùbbe genome door eedere zoondig in de verdediging 'ope hoes' te hauwte....?
- Dat inmiddels ein nuij verklaoring de ronde deit euver de naam van de Bemelse handbalclub VEBIOS: Veur Eventuele Betere Ideeje Opening Sjportseizoen...?
- Dat veer houpe dat ze mèt die ideeje ein bitjse opsjeete, zoedat 't sjportseizoen nog geopend kin weure veur 't nuijje sjportseizoen begint...?
- Dat veer bee geruchte hùbbe gehuurd dat de Sjportsjtiechting veur de opening van 't sjportseizoen aanvankelijk d'n datum 31 mei geplènd haw....?
- Dat ze dao op trùgk zeen gekome wie ze de nuijje Bemeler kalender van de Heemkundevereniging oonder auge kreege, en zaoge dat 31 mei dit jaor in Bemele neet besjteit....?
- Dat de Heemkundevereniging dat op 't lètste momint auch in de gate kreeg, en toen euver-oore hèet gemaak um dat gaat in 't jaor nog sjnel eve op te vulle....?
- Dat normaal gesjprooke de pesjtoer d'r is um leech in 't leve van zien parochiane te bringe...?
- Dat Wiel Pittie en Jean Dreessen veurig jaor de zake ins ùm hùbbe gedriejd, en es parochiane leech in 't leve van pesjtoer hùbbe gebrach...?
- Dat ze daoveur neet vääöl mie hoofde te doen es ein paar denne ùmzèège, mèr dat pesjtoer ze oet dankbaarheid toch meteen mèr tot akoliet veur 't leve hèet beneump...?



Terreinbeheerder Rob Andriën legk sjpeciale oefenhole aan veur oud-sjpelers FC Bemelen die willen gaon golfen...

WIS GEER ??? WIS GEER ???

- Dat die van de Joonkheid dat auch gère wilde weure, mèn in hun etnhousiasme bee 't umhoole van de mei-den metein 'n sjtùk van de kèrrekmoer hùbbe gesjloop....?
- Dat ze daomèt 't kèrkbesjtuur bienao 't leeg oetheeve, woedoor die 't duuster inzaoge...?
- Dat carnaval dit jaor waal èrreg vreug vèlt...?
- Dat veer de president van de Berggeitte huurde verzuchte: “Es 't nòg vreuger carnaval weurt, dan moote veer 't sjtraks nog twie kier in ein jaor goon viere”...?
- Dat veer neet d'n indruk hùbbe dat de luij van Bemele dao wakker van zouwwe ligke...?
- Dat ze in Bemele sjtraks ierder wakker zulle ligke van al die vleegetuige die vanaaf Beek euver 't dùrrep goon drijje...?
- Dat daorùm de Zoepnaze tegewoordig regelmaotig bee nach en ontij door 't dùrrep trèkke, zoedat de luij al vàs 'n bitsje kinne winne aan nachtelijk rumoer...?
- Dat de mieste luij dan deenke: laot die mèn sjuive, mèn datste 's nachs in 't dùrrep soms auch luij tege keums die veende dat de Zoepnaze metein moote sjuive es zee d'r aan kome...?
- Dat die Zoepnaze, es ze neet metein sjuive, 't risico loupe dat die gaste gewoen mèt hunne kop tege de meziek-instrumeente aan beginne te houwwe...?
- Datste dan de volgenden daag tot de ontdèkking keums dat dien sjuiftrombone ein sjuifkrombone is gewoore, en dien trompùt ein krompùt....?
- Dat Berry Weyts, ein van de mede-opriechters van de Zoepnaze, d'r van druimp um te kinne zeenge wie Koos Alberts...?
- Dat heer bee de viering van 't negentigjaorig besjtoon van de hermenie hèt beweze dat druime soms oetkoome...?

WIS GEER ??? WIS GEER ???

- Dat 't Bemeler Mannekoer, dat dringend op zeuk is nao nuij lede, häöm meteen gevraag hèèt um lid te weure...?
- Dat Berry dat toch mèr neet hèèt gedoon, umdat heer mèt dat kèrke zoe meujlik d'n trap nao d'n oksaal opkeump...?
- Dat de Berggeitte ziech nao de nuij mutse van veurig jaor noe auch nuij zjielekes hùbbe aangesjaf...?
- Dat de auw zjielekes, zjus wie de auw mutse, binnekort es ontwikkelingshulp nao de Papoea's weure gesjtuurd...?
- Dat die dinger dan waal, este de gemiddelde umvang van ein Berggeit bekieks, iersj fors ingenome moote weure...?
- Dat es geer probleme hùb met d'n oto dat d'r genog beune in Bemele zeen die uch oet de brand kinnen hellepe?
- Mèr dat d'r bee de raod van ellef unne beun zit dè uch daorbee ouch net in de brand kin hellepe....?
- Dat veer veur dit jaor al weer genoeg gewauweld hùbbe...?
- Dat veer noe weijer ech niks mie weite...?
- Dat de dinger die veer waal nog weite, neet gesjik zeen veur publikatie in 'n carnavalsbeukske dat auch door keender oonder de achttien geleze moot kinne weure...?
- Dat veer d'r dus mèr eine punt achter zètte...?

??????????

Zaoterdig 5 Februari

**Sleutel-Euverdrach
In 't Gemeintehoes in
Mergraote**



19.30 oor:


Openen van de
carnaval in Bemele door het ophangen
vaan de Geit bie de Den.

's Aoves gunt de Groete en Kleine Prins
mit hun gevolg nao café "de baskuul"
boe veur eederein get te ete en te
drinke is

Zoondig 6 Februari

Groet "Boere" bal in Café 't Plateau

Vandalisme in Bemele,
Nao de Louies en de Matties noe ouch
de Pitties??.....





't Bewies dat Pierre oet ziene nek kin
lulle....



Toen wij in november te horen kregen dat we prins en prinses konden worden, vonden we dat een beetje eng en vreemd. Maar toen wij erover gingen nadenken dachten wij: dit kan nog wel eens leuk worden. Het was heel moeilijk om het geheim te houden vooral, omdat kinderen in de klas dachten dat Juan en Angelique het zouden worden. Maar niemand dacht aan Britt. Een paar dagen later kregen we te horen dat Pirino grote Prins was geworden, dat vonden wij heel erg leuk. Toen kwam onze spannende dag.....!! de jeugdzitting.....!! We kwamen daar opgemaakt aan, dat viel nogal op...!! na een tijdje werden er kinderen van het podium afgehaald. Twee daarvan waren wij. We liepen in een soort doos, die beschilderd was. Na het uitroepen en het feliciteren zijn we naar de sportkantine gegaan, daar hebben we gefeest, gegeten en gedronken. Daarna zijn we naar café de Baskuul gegaan om onze foto op te hangen. Dat was heel erg gezellig! Op school hadden de kinderen de klas versierd. Na school kwamen er veel mensen bij ons op bezoek dat was heel erg gezellig. We kregen ook heel veel kaarten, cadeaus en snoep..! We moesten nog een weekje naar school en toen begon de carnavalspret met de “grote optocht”. Het was echt super leuk om snoepjes uit te gooien en om boven op die hoge wagen te staan. Onze ouders deden ook aan mee aan de optocht. Ze zijn zelfs eerste geworden. De dag erna zijn we naar de kerk gegaan om een askruisje te laten zetten en in de Baskuul een haring gaan eten. Carnaval 2004 hebben wij en de jeugdraad nog eens afgesloten met een leuk feest. We willen iedereen bedanken die met ons carnaval heeft gevierd. Niet te vergeten de mensen die zich extra hebben ingezet: allereerst onze ouders en familie. Daarnaast bedanken wij ook: Eugene Mourmans, Marjo Merken, Paula Biermans, Danny van Hoven en Magriet.

Bedankt....!!!!!!!!!!!!!!

Wij hopen ook dat de nieuwe prins en prinses ook zo'n mooie tijd als ons krijgen.
Bemele ALAAF, Berggeitjes ALAAF en
Carnaval ALAAF...!!!!!!!!!!

Prins Juan I^e & Prinses Britt

REKTIFIKAASIE

De hoofredaksie van dees carnavalsgezèt betreurt 't zier dat ze in de oetgave van veurig jaor eine inwoener van Bemele zjwoer op zien ziel hèt getrap, en beledigende oetsjprake hèt gedoon die achteraf neet op woerheid bleke te berùste. Op verzeuk van de advocate van de benaodeilde partij, plaats veer heij dan auch ein rektifikaasie, en beeje veer 't sjlachoffer ooze welgemeinde excuses aan.

In de carnavalsgezèt van veurig jaor hùbbe veer ein tekening geplaatst (geer zeet ze op dees pagina nog ins aafgebeeld) van d'n hier H.A., dè mèt eine traktor mèt laadsjup de tonne geld aan 't inkoijle waar die heer verdeend hàw mèt de verkoup van grond aan de golfbaan. Volges d'n hier A. klopde d'r hielemaol niks van die tekening, en hùbbe veer d'r veur gezörreg dat heer in 't ganse dörrep veur sjùt sjteit.

Veer betreure dat ten zierste.


Umdat veer gein ruizing wille, zètte veer die fout noe eve rèch. Op de tekening zeet geer dat d'n hier A. veur 't inkoijle van zien woekerweens gebruik maak van eine traktor van 't merk Deutz. Dat klop neet. Volges de hier A. hèt heer dat karwei opgeknop mèt eine traktor van 't merk Fendt. "Geer deenk toch zeker neet dat eine miljonair tevreije is mèt eine Deutz?"

**Golfmiljonairs kouden in
veur de weenter,...**



Maondig 7 Februari

Jeugdpreens mit
ziene raad van ellef
bezeuke de
keendercarnaval in
Keer in 't Keerhoes.




Route Optoch.

Um 't uch gemakkelik te make
Höb veer sjpeciaal veur de
Carnaval in Bemelen unne
routeplanner laote fabricere,
tenminste, eine dè geer zelf
inein kint zette.

Knip de route zo e geer die
hei neve zeet sjtaon oet en
kiek dan op de letste
bladzijde van dit beukske.
geer mot de route dan bovenin
sjuive. En bitjse veur bitsje
nao oonder trekke, sjus wie
d.n optoch zelf.

Met un bitsje handigheid
maak geer uch unne échte
blitse routeplanner. Zoe kint
geer altied de weeg nao de
zaal veende (dao sjeine de luij
van Bemele toch al un bitsje
un probleem met te hōbbe de
letste tied)



Deensdig 8 februari

Groete Carnavalsoptoch


Opsjtelle : 12.11 oor op 't Gasthoes

Vertrek : 13.11 oor

route: let op !!!

*'t Gasthoes, Bemelerberg, Auw Akerstraat,
Schepenbank, Sjeutelweeg, Steeg,
St.Laurentiusstraat, Gemeenschapshoes.*

's middags en 's aoves springe in de zaal





Cowboy Ed aan 't werrek...

Tenminste zoe waar 't volgens Ed zelf gebeurd.

Veer weite waal beter he Ed ??

Undersjeijing van de kopere kromme veur:

De hoogste carnavalsoondersjeiding van Bemele, de Kopere Kromme, is dit jaor towgekènd aan:



- Hermenie St.-Laurentius, umdat ze al negentig jaor besjteit, mèr nog altied volop mètdeit (en auch dit jaor weer mèt succes) veur de prijze bee 't bondsconcours....
- De Zoepnaze, umdat ze al 22 jaor de sjmaakmakers van de Bemeler carnaval zeen....
- De Awt-Prinse van de Berggeitte, umdat ze aafgeloupe jaor hunne 33^{ste} awt-prins in de geledere koste opneume, en dus (mèt 'n bitsje meikever-echtig rekene...) 33 jaor besjtoon....
- Pierre Pittie, umdat heer eindelijk aafsjeid hèt kinne neume van wat 'm zien ganse leve dweersj hèt gezete: 't wèrrek...
- Pierre Pirnay, umdat heer (volges doorgaans good ingeliechte bronne, dus neum 't os neet koelik es veer d'r 'n bitsje neve zitte...) dit jaor al weer zien elfde groete carnavalszitting veur de Berggeitte inein gesjleuteld hèt.....

Sponsors

CARe Schadeservice B.V.

Vestiging Maastricht

Fregatweg 80, 6222 NZ Maastricht

Telefoon (043) 362 07 77, Telefax (043) 363 59 19


E-mail: Maastricht@CARe-Schadeservice.nl

Website: www.CARe-Schadeservice.nl

CARe

SCHADESERVICE

Voorheen Autoschade De Bruyn



Maurice Ubaghs
Exterieur Facilitaire Diensten

Kerkstraat 6

6267 ED

Cadieu en Keer

Tel. 043 - 4070160

Fax. 043 - 4070161

De Weurstekraam

**Veur de groete
én lekkere trek**

FORMIDO

*De echte Doehetzelver
ken niet zonder*



SNACKPOINT®

*De snackbar voor
uitgekiende kwaliteit*

W. DRIESSEN

EINSTEINSTRAT 16B
6227 BX HEER - MAASTRICHT
TEL.: 043 - 361 81 66

Asgoonsdig 9 Februari

De Prins en ziene raad nuudige uuch oet
um same met hun um 19.00 oor de mis
te bezeuke.

Daonao: Hieringe Biete

Bee

Cafe de Baskuul



